



Inatsisartunut ilaasortaq Michael Rosing  
Inatsisartut  
/MAANI

midgået

10 MAR. 2016

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**§ 37 nr. 2016-071-imut akissut**

Inatsisartut Suleriaasissaanni § 37, imm. 1 malillugu nunami aalisakkanik tunisassianik tunisassiornissaq siunertaralugu tulaassisarnissaq pillugu apeqquteqarputit. Apeqqutit uannut akineqartussanngortinneqarsimapput.

26-02-2016  
Suliap nr.: 2016 - 4076  
Akt. nr. 2237572

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

**Apeqqutit:**

1. Avataasiorlutik aalisartunut pisassiinermut atatillugu tulaassisussaataitaanermut aalisakkanillu tisanissamut piumasaqaataasut inuiaqatigiinnut qanoq kinguneqassaneri pillugu Naalakkersuisut nalilersuinikuunerlutik?
2. Taamaassimappat taava tulaassisussaataitaanermut tunngatillugu inuiaqatigiit annaasassa qanormita annertutigippat aamma kilisaataatillit kilisaatinilu inuttat isertitassamikkut qanormita annaasaqartigissappat?

**Akissutit:**

**1- imut**

Naalakkersuisut aalisarnikkut amerlanerusunik suliffissaqartitsisoqarlernissaa siunertaraat. Taamatut anguniagaqarnermut kilisaatit kisimik ilaatinneqanngillat kisiannili aammattaq minnerunngitsumik nunami tunisassiorneq pineqarluni. Taamaalilluni avataasiorluni aalisarnermi aalisakkat ilaasa nunamut tulaanneqartussaataitaanerannik aalajangiinermut aalajangiisuulluinnarsimavoq tamatumaa nunami suliffissaqartitsinerulerneq kingunerissagaa. Tamannaana tulaassuinissamik aalisakkerinissamillu piumasaqaateqarnermut tunuliaqutaasoq. Tulaassuinissamik aalisakkerinissamillu piumasaqaateqarneq inuiaqatigiit aningaasaqarnerannut tunngatillugu naliliisarluni misissuiffiqineqarsimannilaq. Naalakkersuisut isumaqarput tulaassisussaataitaanerup iluaqutissartai ajoqutissartaalu qaninnerusumi aningaasanut tunngatillugu pissarsisoqarsinnaaneramik apeqqummut taamaallaat tunngatinneqassanngitsut.

Tulaassisussaataitaaneq ullumikkutut ikkallartilluni illoqarfinni aalisakkanik imaluunniit kinguppannik tulaassiviusartuni aalisarnermut, suliffissaqarniarnermut minnerunngitsumillu nunaqqatigiinnut pingaarutilerujussuuvoq. Taamaalilluni tulaassisussaataitaanerup inuuniarnermi aningaasaqarnermut tunngatillugu nunaqqatigiinnut sunniutigisartagai annertuujupput.

**2- mut**

Naatsorsuutigineqarpoq 2016-imi tulaassisussaataitaanikkut suliffissat suliffissuarneereersut minnerpaamik qulakkeerneqassasut. Naalakkersuisut ilisimaarereerpaat tulaassisussaataitaaneq suliarnneqaartussaataitaanerlu umiarsuaatilinnut, nunaqqatigiinnut aamma inuiaqatigiit aningaasaqarnerannut tamarmiusumut annertuunik aningaasaqarnikkut kinguneqartussanik aalajangiinerummata. Taamaammat tassunga atatillugu oqaatigineqarsinnaavoq Aningaasaqarnermut Naalakkersuisoqarfik Aalisarnermut, Piniarnermut Nunalerinermullu Naalakkersuisoqarfik taamatullu soqutigisallit

pingaaruteqarnerit allaneersut suleqatigalugit 2016-ip affaani siullermi tulaassisussaa-  
titaanerup aalisakkanillu suliarinneqqaartussaataanerup malitsigisaannik sunniutaa-  
sartunik misissuiniarmat. Taamaaliornikkut siunertaavoq siunissami agguaassisarnissa-  
nut paasiuminarnerusunik aalajangiinissamut tunngavissiisoqarnissaa.

Inussiarnersumik inuulluaqqusillunga

Karl-Kristian Kruse